

雞澤縣志卷之十八

蕭山王錦林粵巖增輯

靜海牛思永

校訂

災祥

嘉禾唯雉採以名書螟螣旱災備詳魯史災祥之說  
自古有之論者或譏孟堅志為穿鑿要歸於公孫氏  
所云天道遠人事邇者近是然而休咎青祥闕乎政  
治得失展卷之下凜然發其恐懼修省之思當亦敬  
天勤民者所必錄也志災祥

漢

惠帝五年冬桃李華棗實

元光四年夏四月隕霜殺草

五年秋七月大風拔木

始元元年秋七月大雨至冬十月止

永光元年三月雨雪隕霜殺草

新莽天鳳二年大雨水深數丈滄沒人民無算

熹平六年夏四月大旱蝗

初平四年冬十月地震

三國魏

景初元年九月靈雨大水漂溺

晉

泰始五年五月大風折木

咸寧四年七月大水傷禾

五年六月雨雹隕霜傷禾

北魏

太和十一年春夏大旱人疫死

隋

開皇五年秋大水

唐

貞觀二十三年秋八月地震

開元三年夏大蝗四年復大蝗

元和六年有年斗米五六錢

十二年秋大水

後唐

天成二年有年斗米十錢

宋

建隆元年大雨漳河決平地水深二丈

乾德四年嘉禾一莖三穗

夫中祥符元年有年斗米七八錢

慶曆三年十二月雨赤雪

治平二年大水漳河決溺民居

元豐四年洺水溢壞城郭

七年大水河溢壞民田舍蠲其租

紹聖元年冬十二月漳河溢

全

明昌二年六月漳河決詔命塞之

元

中統四年旱

至元元年夏太陰犯昴大水三年蝗

大德元年饑六年大水

泰定元年大雨五十日洺水溢三年蝗

至大元年有蟲食桑

致和元年大雨雹

元統二年天雨毛如線而色綠民謠云天雨線民起怨中

原地事必變

至正十九年飛蝗蔽路人馬不能行大饑

明

洪武十八年大水

宏治十五年九月地震有聲

正德二年冬夜大雪壅戶塞衢行者不通

八年夏黑青逼人老幼皆鳴金乃止

嘉靖二年三月十二日大風始赤繼黑樹鳥伏地烈炬無

尤逾時乃止

溪澤集卷之六  
五年十月二十七日有星大如斗流光如晝颯然有聲起  
東北向西南碎滅須臾天鼓鳴如雷

九年七月十二日洛滄二河溢潰堤傷木稼

十五年夏大雨壞廬舍傷木稼冬十月夜星落如雨

十六年秋久雨桃葉成白木耳人採食

二十年飛蝗蔽天食木殆盡

二十五年學宮兩槐合幹人異之號連理槐

三十二年正月元日晝晦如夜移時始朗

三十九年夏大旱秋蝗民大饑



四十二年七月初六日大水平地深丈餘溺死甚衆  
隆慶五年閏六月十八日大水堤潰

萬曆三年七月初五日夜雨電大如杆三陵臻底等村樹  
枝折屋瓦碎

十四年春三月大風麥槁吳官營地裂闊二丈長四十餘  
步

十五年大旱黑風晝晦二麥盡槁人以草根樹皮為食  
十六年麥大熟靈雨潰爛大疫死者甚衆

十八年春夏旱二麥盡槁

十九年春夏旱秋蝗禾稼盡傷

二十年秋靈雨堤決縣西禾稼盡泮棉花空殼

三十五年六月閏六月連雨四十日平地水深數尺西街

行舟城垣屋舍倒毀過半大水多魚無網者解衣取之

四十三年自前冬十月至夏六月不雨市絕糧人情洶洶

知縣陸元錫勸富家平糶民稍安

四十四年冬無水

四十五年蝗入民居桃李冬華

天啟二年二月二日地震

四年四月雨雹

六年六月蝗傷禾初四日地震三十日至閏六月初三日  
大雨傾注三晝夜雷大震不絕平地水深數尺屋舍圯  
壞漳滏沙洑回水汎濫堤閘一時潰決水侵城垣居民  
各備水筏初五日夜天氣半陰空中聞巨聲向西北去

七年麥熟蝗蝻穗

崇禎二年六月十一日大風拔木

八年除夕雷大震

九年十月榆錢滿枝桃李花烏鴉孳雛

康熙三年四月風霜損苗十月彗星見十日方滅

四年秋七月大水歲饑發帑金賑之

五年城濠有並蒂荷花

六年九月二十二日地震

七年春夜有白氣亘天夏六月十七日地震七月大水圍

城是歲饑賑濟蠲錢糧十之三

十年四月二十七日馮鄭六方臻底等村雨冰雹大如鷲

卵傷兩人五六月奇暑道有暍死者

十一年十一月十八日夜天鼓鳴

本朝

順治元年大旱

二年夏無麥秋大水木稼盡沒城垣倒壞

三年春連雨麥大熟六月大水城東邢家堤等村舟行直  
抵城下城垣大傾十一日夜天中星如斗流入太微垣  
滅須臾天鼓鳴九月蝗食麥苗

十一年正月十四日大雷雨三月風霾六月大水八月地  
震歲饑發帑金賑之

十五年饑復賑

康熙三年四月風霜損苗十月彗星見十日方滅

四年秋七月大水歲饑發帑金賑之

五年城濠有並蒂荷花

六年九月二十二日地震

七年春夜有白氣亘天夏六月十七日地震七月大水圍城是歲饑賑濟蠲錢糧十之三

十年四月二十七日馮鄭六方臻底等村雨水雹大如鷲卵傷兩人五六月奇暑道有暈死者

十一年十一月十八日夜天鼓鳴

十六年大水城東麥一莖兩穗

二十三年二月清明節烈風

二十九年三月十九日烈風彌天

三十三年八月地震

四十八年五月十六日烈風迅雷大雨雹傷人百餘知縣

管維武給棺賑恤

五十六年七月靈雨四日

五十八年六月靈雨四日

五十九年正月大雪六日六月初八日地震初九日雨雹

如雞卵傷禾秋旱冬無麥

六十年春大旱麥盡槁發粟賑貸減免田租

六十一年大旱四月初二日黑風彌天樹頭生火六月大風四日損田禾民饑賑之

雍正元年大旱民饑賑之

三年秋大水發粟賑之減免田租

八年六月十七日大雨至三十日夜山水自西南來合沙  
洛等水壅決圍城歲饑發帑賑之是年沙水決普高柏  
枝東柳等村故道淤塞歷年漫溢堵築無效



乾隆二年七月二十五日夜地震大雷電以風不絕雨雹如棗樹木多折

七年五月大旱烈風經旬傷禾賑之六月大雨風乃止禾復有收

八年正月有星光如牛尾下垂數尺雨旬方滅六月旱酷暑人多喝死

十三年二月初一日天鼓鳴怪風作

十七年七月飛蝗自西南來過境去是歲夏秋間廣平大名天津等府多蝗捕滅皆盡

十八年夏旱六月二十三日雨七月初六日大風雨樹木  
折秋靈雨是年濬治沙河水歸故道

二十四年春夏大旱秋靈雨經旬村舍坍塌漫地行舟闔  
邑成災當即詳報

上憲題奉

恩蠲賑兼施自本年十一月起至次年二月止賑米二千  
六百七十三石四斗賑銀共六千七百九十兩零民獲  
安全

二十六年秋靈雨不止勘明田禾雖有被淹究係偏災當

即詳請

上憲題奉

恩蠲賑兼施自本年十一月起至次年三月止共賑銀三千六百三十五兩零分別極次散給民困以甦散處者悉自遠方歸而民有室家之樂矣

二十七年秋又被水患雖不成災究係積歉之後民力未舒當即詳請

上憲將被水最重之村庄應徵新舊錢糧倉穀  
題明  
分別緩帶停徵



雞澤縣志卷之十九

蕭山王錦林粵巖增輯

靜海牛思永 校訂

雜事

志怪有書酉陽有俎固屬說家者流且事多誕妄正  
變雜陳昔人所斥為叢談野史詹詹小言也若乃萍  
實墳羊得諸覩記縻弧龍尾採及歌謠又安在異聞  
佳話瑣事方言非博物資耶志雜事

兵紀

明永樂八年春妖婦唐賽兒亂

正德六年流賊劉六劉七衆自南和縣經韓固等村

崇禎十一年十二月初八日

大清師入城初十日拔去

十三年冬盜賊大起焚掠黃溝城隍等村城守戒嚴

十五年冬十一月十九日遵化譁兵薄城尋引去

順治三年十月初七日土寇自臨洛闕來掠栢枝寺浮圖

店等村次日由城西北引去過漳河東十一日復回至

縣境趙家庄西十里許遇官兵擒獲數十人餘黨解散

順治六年山東賊張調甫等五百餘騎在縣境與順慶道  
兵戰敗乘間入臨洺原任通判漆紹開率衆設險禦之  
乃逸去

雜紀

縣西南三陵村扁鵲廟壁中鄉民修蓋拆出古印一不知  
為何代物復置於內

舊志

縣南西屯庄相傳有跽暉陣行者至其處輒迷不辨東西  
踰時乃醒復往試之迷如故

同上

檢討劉誠精易數時號為北劉後鈍菴亦在詞林與公齊

名鄉人因其居別之曰南劉北劉幼嘗立於門見兩槐葉  
墮地急閉戶入室家人曰何遽也曰此地當有人闢死須  
臾斃一尸為秀藩長史王世子將出獵扣馬諫曰此行大  
險請勿往弗聽遂而嘆曰天也世子墜馬死一夕夢與夫  
人共盟於盆古曰應降府僚晨起趣治裝幕屬異之尋果  
降寧國府同知其驗類如此

府志及舊志並載

劉誠在湖廣時見一廟宇頽廢門有石碣刊字曰若得此  
門開遂待本人來詢之土人曰此廟已扃鎖百餘年矣不  
知何神也命啟之見神像宛如公狀有木主題曰小聖劉



誠公驚異捐貲修葺焉

志 舊

承恩街開帝廟有棘一株高二丈圍八尺蒼古異常不知培自何代半枯半生數年生一枝葉葉實鮮妍俗呼為靈

棘方之孔廟檜樹云

上 同

永樂間遷山西民竇畿內有洪洞縣大桑樹村施馬張三姓世係比鄰同卜宅於浮菑店之東門裏同居共爨情好若一家歿後合葬一墳迄今纍纍相望共指以為美談

見 聞

續 錄

城西焦佐村有府君廟門常扃或夜過其地見燈燭輝煌

并聞詰責及哀號聲鄉人以為府君斷獄

舊志

隆慶五年雷擊普高村張姓有鄰婦恍若見白龍被驚伏地又萬曆十二年馮鄭民某素不孝六月十八日雷繞其室震迅不止其母曰雷神尋不孝子乎今捕魚河上矣雷應聲去至田家橋下擊死之

同上

趙長史永安未仕時讀書郭公廟倦而假寐夢一人披髮徒跣血流被面長跪而白曰身為鄭四害須公雪此冤如是者再已而涕泣乃去既覺以為異筆之後令博興覆詰命案見一作証者屢竊日屬公神色銷沮按其名即鄭四

也因憶前夢鞠之允服遂坐抵

府志及舊志並載

張延勳萬歷年間詣郡拾遺金一囊守之以俟主者薄暮見一公役押一人號泣奔赴延勳詢之曰我真定差役因解官銀道失若干兩今被笞責償無所出唯死耳延勳得狀無異遂探與之其人感泣而去見白察院給扁旌其廬

曰不昧遺金

同上

崇禎十年大清兵南下督師司馬盧公象昇進師鉅鹿之賈莊兵孱弱乞援於總監中官高起潛潛時擁關寧兵駐雞澤距賈莊五十里而近不應盧公戰歿掌牧楊陸凱

雞澤縣志卷之六  
懼衆之殘其尸而伏其上背負二十四矢以死乾隆九年  
重修廣平郡志凱裔求紀其死節事邑令難之曰掌牧者  
何堪傳因出陸凱字備劄硃印宛然令疑其贗堅不肯列  
志中其裔僅立明殉節楊將軍故里碑於臨洺關之南門  
外按陸凱係永年人因郡志不列忠義傳附記於此以待  
後之增修者

崇禎十一年七月雉入寅賓館八月兔入儀門十月烏集

縣堂公案卸筆架擲地

舊志

甲申三月初九日闖賊委偽令秦植僭任先時牌行到縣

敢抗違者斬人心震懾至五月十一日教故明訓導馬騰  
龍生員殷淵尋遁去

同上

甲申平鄉土寇劫掠村鎮時總兵張汝行在郡城甚有威

望賊畏之令有擅入廣平界者斬雞澤去平鄉纔十二里

秋毫無犯每見賊持刀逐人至雞澤界輒止高家庄一村

隸兩郡後為順德府南和縣界前為雞澤縣界賊焚掠後

莊殆盡前莊帖然無一矢之驚汝行當日雖不能盡如人

意然其威名遠播捍衛一方才畧必有大過人者豈可以

其起於亡命而少之

府志及舊志並載

馮鄭村田好謙明萬厯間諸生襄府長史應揚孫也家貲  
素厚少不羈與同邑紳某博戲田宅蕩盡愧悔出亡有鄰  
村董士元為山東順義島叅將往依之會朝鮮兵渡海其  
帥為我 大清孔有德夙與士元善三戰皆佯北蓋讓功  
士元為遷官計元既深入荒於酒色有德怒一戰殲之好  
謙在行間以生員呼克得宥挈以歸朝鮮國王聘之以訓  
其世子附馬及公卿子弟厯官至朝鮮通政大夫龍驤衛  
副護軍至康熙丙寅歿年七十有七子四有一龍驤衛護  
軍會一會寧道節制使井一監察御史成一杏花山都巡

檢會一子萬春西路總管鎮鴨綠江井一子萬欽南路總  
管鎮鳳凰山萬欽子附馬狀元官至國相世祿朝鮮一門  
鼎盛好謙臨歿囑門人李翊臣以尋於人寄遺像為念越  
丙戌朝鮮入貢遇其族舉人田煒於京得通音問逾年翊  
臣寄所題像贊字體凝秀句法新逸錄於左方其辭曰  
中國廣平府雞澤縣庠生朝鮮國通政大夫龍驤衛副護  
軍田公諱好謙字遜宇畫像公以萬歷庚戌生丁丑春來  
朝鮮丙寅二月廿六日歿臨歿謂翊臣曰他日或尋得吾  
族屬之在雞澤者必為我真寄送俾我刑模留在故鄉也

後廿年丙戌果尋諸田書尺相通翌年翊臣追感公言使  
十七歲畫工成世輝執筆而詳言公之面如是眼如是耳  
如是鼻如是鬚如是於是世輝聞即心會若有神陰相者  
信筆一揮典刑已成仍加着彩及見公者聚而觀之莫不  
驚異曰厥狀克肖焉門生朝鮮國嘉義大夫同知中樞府

事李翊臣識

見閣  
續錄

申鳧盟函光楮詩廣平開河朔詩派其友雞澤殷岳伯巖  
永年張蓋履輿曲周劉逢源津逮邯鄲趙湛秋水皆逸民

也諸子既沒惟秋水無恙

漁洋  
詩話



順治元年六月賊偽令秦植遁去城垣倒毀人情洶洶率  
多逃竄典史孫自達勸城內富室修築嚴防守至七月官  
兵破賊有逃入縣境者自達率民快擒斬之

吳應文  
舊志

廩生杜爛然精金丹術時閉戶內養數日不飲食一日忽  
棄家去抵黃河不假舟楫履水竟渡莫知所往後有人遇

於江南變服色自稱道士云

舊志列仙釋  
今錄於此

郝奮洪年八十餘猶應童子試居心正直家貧饔飧不繼  
有以離婚書浼者厚贈之堅辭不應或曰汝無妻子寧有

顧忌耶洪曰此心不安耳其梗槩如此

見閩  
續錄

東柳貢生賈璉卜葬其父孝子廷輔擇地於村南五里外  
延永年廩生劉宗禹定穴時忽旋風陡起凜冽逼人懼而  
返因寫吉凶二字令幼童拈之得凶字璉心不能舍以為  
凶內有文不害為吉次日復往破土風作如故掘地深四  
尺許見磚牆枯骨遂掩之且為封殖以識其處按唐毛藻  
墓在縣西八里前縣治在馮鄭今以賈所卜地揆之里數  
相符即毛藻墓無疑擬立石以記

同上

王繼聖市井人也住南關業屠雍正年間妻高氏晨起於  
門外拾銀三十餘兩及行李等物繼聖不敢匿挈以報縣

越數日方知為冀州監生牛淇赴磁失落者悉還之不受  
酬謝邑令景一元詳請給賞銀十五兩并表其門曰拾金  
不昧今遷居縣學西尚存

同

夏光啟東鄉于家口人祖父遺產甚薄光啟承之家業漸

饒事繼母張以孝聞好善樂施咸以善人稱之舉授農官

子曰瑚孫若水皆入庠次子曰校食餼舉優克繼其孝張

年六十八即見元孫先啟顏其樓曰五福先啟年未七旬

得元孫一尋再得元孫兩世五代一堂宇內所希壽八十

卒今日瑚亦將獲元孫矣又附監州同李仁年六十有五

曾孫已十二齡不數年而五代同堂可預決也仁繼祖父  
忠厚之傳載名彰善坊與夏氏兩姓媿美遠近傳為僅事  
洵乎修德獲報為一邑之望云